

# INUIT ATAQATIGIIT INATSISARTUNI



UPA2023/16

4/10-2023

Mariia Simonsen

**Akilaraaruserinermik ingerlatsineq pillugu Inatsisartut inatsisaata allanngortinneqarneranik Inatsisartut inatsisaat (Nunat tamalaat kattuffiinik akileraartussaatsinnginneq, akilaraarutininik agguaassineq, ilanngarneqartussaataasut nalunaarutiginnittussaataanerannik maleruagassiornissamut Naalakkersuisut piginnaatinneqarnerat aamma ernianik atorunnaarsitsineq il.il.**

(Aningaasaqarnermut Akileraartarnermullu Naalakkersuisoq)

Oqaaseqaat:

Akilaraaruserinermik ingerlatsineq pillugu Inatsisartut inatsisaannut allannguutissatut siunnersuutit arlalialunnguit Naalakkersuisunit saqqummiunneqartut Inuit Ataqatigiit ima oqaaseqarfigissavaat.

Nunat tamalaat suliniaqatigiiffii assigiinngitsut nunatsinni allaffeqalerlutilluunniit nunatsinni najugaqartunik sulisoqalissagunik nunatsinnut akileraartariaqannginnissaannik siunnersuut imaqarpoq. Pisinnaatitaaffik taanna naalagaaffiit allat nunatsinni allaffeqatut aallartitaqarfeqartulluunniit pigereerpaat, soorlu USA-p Islandillu, nunattalu nunani allani aallartitaqarfiini sulisut nunami tassani akilaraaratik nunatsinnut akileraartarput. Tunngaviusoq taanna pitsaasuvoq. Periarfissaalersoq nutaaq EU-p nunatsinni qanittukkut allaffeqalersussap iluaqutigissavaa, soorlu aamma nunani tamalaani suliniaqatigiiffiit allat nunatsinni allaffeqartut

# INUIT ATAQATIGIIT INATSIARTUNI



allafeqalerumasulluunniit tamanna iluaqutigissagaat. Nassuiaatini erseqqissumik allassimangilaq suliniaqatigiiffiit tamakku sorpiaasinnaanersut, kissaatiginarporlu siunnersuut ataatsimiititaliami suliarineqalerpat tamanna nassuiaatigineqassasoq.

Akileraaruserinermik ingerlatsineq pillugu inatsimmi allannguut alla ernup nukinganik atuinermi ingerlatseqatigiiffiit iluanaarutaannut akileraarutaannullu tunngavoq. Allannguutissatut siunnersuut naapertorlugu ingerlatseqatigiiffiit erngup nukinganik atuinissamik akuerineqarsimasut akileraarutaat kommuninut ingerlatsiviusunut nakkaratik landskarsimut nakkartassapput, soorlu aatsitassarsiornermit akileraarutit taamaattareersut. Erngup nukiganit akileraarutit pisuussutillu allat tamatta pigisatta nuna tamakkerlugu iluaqutissanngortinneqarnissaat Inuit Ataqatigiinni tapersorsorparput. Inatsimmi aalajangersakkat arlalialunnguit allat allanngortinniarneqartut Inuit Ataqatigiinni tunngaviatigut akerlerinngilagut, kissaatigaarpulli aningaasanut akileraarutit taamaattareersut, taamalu oqaaseqarluta inatsissamut allannguutissatut siunnersuut ataatsimiititaliamut innersuupparput.